

Սեբաստացին, որ յայտնի հակառակորդ էր Մայր Աթոռին, կ'ըսէր թէ «դատեցէք Յովհաննէսի և Ղազարի գործերը»: Ղազարէն ամէնքն ալ կը խորչէին, վասն զի յայտնի էր իր ընթացքը, իսկ Յովհաննէս կեղծաւորութեամբ ինքզինքը Մայր Աթոռի հարազատ որդի ցոյց կու տար և անոր հասոյթները և նուիրակութեան արդիւնքները օտարները կաշառելու և իր կուսակիցները զօրացնելու կը գործածէր, և այսպէս՝ փոխանակ օգտակար ըլլալու, փեսասկար կ'ըլլար Աթոռին, երբ մանաւանդ կը տարածայնէր, թէ այսքան գումար հասուցած էր Էջմիածին:

Այս նամակներուն Պալիս հասնելէն յետոյ՝ Յովհաննէս բոլորովին վարկաբեկ եղաւ: Ի զուր կը ջանար վրդովուած հանրային կարծիքը հանգարտեցրնել, խոստանալով ի մօտոյ վճարել Էջմիածինի իր պարտքը և ցոյց տալ իր հաւատարմութիւնը:

Քիչ յետոյ Պալիս հասաւ Էջմիածինի նոր նրաւիրակը՝ Մինաս վրդ. Եւդոկիացի, Գաղատիոյ առաջնորդը (1647 — 1676) և անշուշտ կաթողիկոսին կողմէ պահանջեց Յովհաննէս Թիւթիւնճիի իւրացուցած գումարները, սակայն «սա եւս ի սալիելոյ Թլթլեանց միսեցաւ ի կողմն Յովհաննու» (Չամ. Գ. էջ 694): Ասոր հետեւանքը այն եղաւ, որ ժողովուրդը զլացաւ իր նուէրները: Մինաս վրդ. գանգառեցաւ Թրլթրլեաններուն, թէ իրենց պատճառով զինքը կ'անգօսնեն: Ասոր վրայ՝ Թրլթրլեանք դիմեցին Եպարքոսի տեղակալին և անկէ տաին հրամանագիր Տր (սիվան քեսկերեսի), որով խստիւ կը հրամայուէր մայրաքաղաքին հայ եկեղեցիներուն տալ, ըստ սովորութեան և առատութեամբ, նուիրակին նուէրները (Չամ. Եւս. Գ. հտ. էջ 694):